

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS DATE: 17/01 2024

CM – DISCUSSION

གཙོ་བྱི་ གློན་པོ་ ལྷ་ཁབས་ Prem Singh ཏ་དམག་ གིས་ རང་གི་ གཞུང་ཁྱིམ་ ན་ investor ཆེན་པོ་ ཀེས་པོ་ དང་ འགོ་བརྒྱུད་ འདི་ཙུ་ མཉམ་པོ་ འབྲས་ལྗོངས་ གྱི་ ཡར་རྒྱས་ ལོ་ ཕྱིར་ འདྲ་མཉམ་འདྲ་ ན་ སྤོར་ཕྱོར་ ན་ འབྲིག་ཤད་ དམིཌ་ཡུལ་ གི་ འབྱུར་བ་ ཅན་ ཐབས་ འདི་ཙུ་ རྟེན་ བཀའ་སློབ་ ན་ འགན་ ལན་པོ་ ཡིན། ཁོང་ གི་ རང་ གི་ གཞུང་འདྲེལ་ བྱི་ཚོར་ གསར་ཤོག་ ཡང་ ན་ Social Media post ན་ གསལ་ཡོད་ India Today གི་ འགོ་བརྒྱུད་ གློན་པོ་ འདི་ཙུ་ མཉམ་པོ་ གི་ ཁྱོས་བསྐྱུན་ ཆེན་པོ་ ན་ ང་ཅག་ གི་ འབྲས་ལྗོངས་ འདི་ རྒྱ་གར་ གི་ མངའ་སྡེ་ ཐོན་པའི་ ལོ་ ༥༠ ཟུང་པའི་ བསམ་ཆར་ ན་ མཐུན་ཐབས་ སྐར་ མཀའ་མོན་ གནང་བོ་ ཡིན། ཐབས་ འདི་ རེ་ འབྲས་ལྗོངས་ ལོ་ འདི་ རེ་ སྤྲ་གཅིག་ དྲུ་གཞུང་ དང་ རང་བཞིན་ ཡ་གཞི་ ལོ་ གལ་ཆེན་ ཕྱིན་བཞིན་ འཛམ་གླིང་ འབྲུལ་སྐར་བོའི་ ས་ཆ་ ཆེན་པོ་ གཅིག་ གི་ ཐོག་ལས་ བཟོ་ཤད་ རྟེན་ བསམ་སྟོ་ ཕྱིན་ཤད་ ཡིན། Tata Steel གི་ ཡན་ལག་ company JUSCO Limited གི་ ངོ་ཆ་ ཆོར་པོ་ གི་ རྒྱུ་ཡོད་ གྲལ་ Nagarpalika ཁབས་ཁུ་ འདི་ཙུ་ ལུལ་ཤད་ སྐད་ཏོག་ Nagar Nigam མཉམ་པོ་ གི་ མཐུན་ཡོག་ སྐར་ མཀའ་མོན་ གནང་བོ་ ཡིན། Ambuja Neatia Group མཉམ་པོ་ Taj Guars Kutir Brand ལོ་ འབྲས་ལྗོངས་ ན་ གོང་འཕེལ་ གནང་ཤད་ རྟེན་ བཀའ་མོན་ གནང་བོ་ ཡིན། གཙོ་བྱི་ གློན་པོ་ གི་ འདི་ འབོད་ཚུན་ རྟ་རམ་ འདི་ཙུ་ འབྲས་ལྗོངས་ གྱི་ དུས་རིང་ བདེ་སྤྱོད་ ན་ གཡོག་ འགན་ སྟེལ་བཞིན་ འབྲུལ་པོ་ ལྷ་མགོན་ ཁོང་ལས་ དང་ ཁྱོམ་ཉེར་ ཡར་རྒྱས་ ན་ དཔེ་ཆེན་ གོང་འཕེལ་ གནང་ཤད་ དོན་ ག་གིར་ ཡོད་པའི་ གཏམ་ གསལ་བོ་ ཡིན།

SARATHI – ASHA

གཙོ་བྱི་ གློན་པོ་ ལྷ་ཁབས་ Prem Singh ཏ་དམག་ གི་ བྱུན་གཟིར་ མངའ་འོག་ འབྲས་ལྗོངས་ ལོ་ རྩེས་སྤྱན་ མེད་པོ་ དང་ རྫོ་སེམས་ འཕྱོད་བསྟེན་ ཅན་ བཟོ་ཤད་ Sarathi ༧.༠ གི་ དཔའ་སྐྱོང་ ན་ Asha གཞུང་ ཁབས་པོ་ ༡༡༧ འདི་ཙུ་ དོན་ ཉིན་གཅིག་ རིང་ བྱང་བརྒྱར་ ལས་རིམ་ འགོ་བརྒྱུད་ ཀོ་ ཡིན། དཔའ་སྐྱོང་ གཞི་རིམ་ འཕྱོད་བསྟེན་ དབུས་ཁང་ གི་ Asha ༢.༥ ལོ་ Sarathi 1.0 Module ན་ བྱང་བརྒྱར་ ཕྱིན་ཡོད། འདི་ དམིཌ་ཡུལ་ རྩེས་སྤྱན་ མེད་པོ་ དང་ རྫོ་སེམས་ འཕྱོད་བསྟེན་ དཀའ་ལས་ གི་ ཐབས་ གནང་ཤད་ དོན་ ཟན་སྐྱོར་ གནང་ཤད་ དང་ དགོས་པའི་ ལག་རྩལ་ འདི་ཙུ་ ལུལ་ཤད་ ཐོན་ ཡིན་པོ་ སྤང། འགན་ལན་ མཁན་ ཙུ་ ལོ་ ཁོང་ ཙུ་ བྱི་ཚོར་ རང་ཤ་ གི་ དཀའ་ཕྱག་ ཙུ་ ལོ་ ལེདམ་ བྱས་ ཏ་གོ་ རྟེ་ ཐབས་ལམ་ གནང་ཤད་ དོན་ དགོས་མཁན་ ཐབས་འདི་ ཙུ་ ལུལ་ ཤད་ ཡིན། བྱང་བརྒྱར་ module འདི་ གི་ སློབ་གྲྭ་ ན་ རྩེས་ སྤྱན་ གི་ བེད་སྤྱོད་ མ་ལེདམ་ བྱི་ཚོར་ གྲལ་ དང་ རྫོ་སེམས་ འཕྱོད་བསྟེན་ གྱི་ གོང་འཕེལ་ དང་ རྩལ་ཁྲིམས་ སྤང་ གི་ གོང་འཕེལ་ འགོ་བརྒྱུད་ འདི་ ཙུ་ ལོ་ སྤྱོད་ ཡོད། བྱང་བརྒྱར་ ན་ འགན་ལན་ མཁན་ ཙུ་ ལོ་ འགན་ལན་ བརྟན་ཤད་ དང་ བྱང་བརྒྱར་ གི་ དམིཌ་ཡུལ་ ཙུ་ ལོ་ རྒྱ་དག་ གནང་ཤད་ ཆོར་པའི་ བཀའ་མོན་ དང་ བྱོད་ལམ་ བྱ་བ་ འདི་ཙུ་ ཡང་ སྤྱོད་ཡོད་པོ་ སྤང། ལས་རིམ་ འདི་ ལེདམ་ ཟུང་པོ་ ལས་ བྱི་ཚོར་ གྲལ་ ན་ རྩེས་སྤྱན་ བེད་སྤྱོད་ མ་ལེདམ་ ལོ་ རྒྱུང་དྲར་ དང་ རྫོ་སེམས་ འཕྱོད་བསྟེན་ གོང་འཕེལ་ ཕྱིར་ ན་ Sarathi ༧.༠ གི་ ཁལ་ཆོག་ ལོ་ བྱུན་འབུལ་ གནང་དོ་ ཡིན།

GYALSHING DISTRICT ADMIN

རྒྱལ་ཁོང་ རྫོང་ཁའི་ ལས་འཛིན་ གྱི་ ཆོར་པོས་ ད་རིང་ རྩ་བུ་ ཐོན་པའི་ རྒྱུན་ གྱི་ ས་ཆ་ གཟིཌ་སྐར་ གནང་ཡོད། རྒྱུན་ འདི་ ན་ རྒྱལ་ཁོང་ རྫོང་ཁའི་ མི་མང་ རྩ་ འགོངས་ ཡོད་པའི་ གནས་ཚུལ་ གཏན་གཏན་ གནང་ཡོད། གཟིཌ་སྐར་ ཆོར་པོ་ ན་ གློན་པོ་ ཡང་ ན་ ས་ཁུལ་ འབུས་མི་ ལྷ་ཁབས་ T. T Bhutia རྫོང་དཔོན་ འཁོར་སྤུང་ འགོ་བརྒྱུད་ རྒྱལ་ཁོང་ SDM ཡུག་བསམ་ ཤོག་ཁ་ ལས་འཛིན་ འགོ་བརྒྱུད་ BDO Chonrang Panchayat འདི་ཙུ་ དང་ གཞན་ མཐུན་འབྲེལ་ འགོ་བརྒྱུད་ འདི་ཙུ་ ཡོད་པོ་ ཡིན། འདེམ་ འཁོར་ལོ་ རྒྱུན་ སློན་པོ་ རེ་ Gerethang ལས་ km ༡ སྤོར་ བགྲིས་ཐིང་ ཕྱིར་གྱི་ Tinjerey ན་ ཐོན་པོ་ ཡིན། འདི་ མཐུན་འབྲེལ་ ན་ རྫོང་དཔོན་ གི་ རྒྱུན་ འདི་ རེ་ རང་བཞིན་ རྒྱུན་ མ་ཐོན་ ས་ལས་ ཟུར་སྤྱོད་ གྱི་ དབུལ་ འདི་ མ་ ཕྱིན་ཤད་ གི་ གསལ་གཏམ་ གནང་ ཡོད། རྒྱུན་ འདི་ རེ་ རྒྱ་གར་ འཁོར་ལོ་ ཁྲིམས་ མངའ་འོག་ ཤོག་ཏི་ ཡིན་ དང་ ཁྲིམས་ འགོ་ལྟར་ རང་ལྷར་ འདི་ ཐབས་ལམ་ གནང་ཤད་ ཡིན།

CM – DHARMA CHAKRA MEET

འགྲེལ་ཆོས་འཁོར་ དབུས་ཁང་གི་ འཕུས་མི་ ཚུས་ ད་རིང་གཙོ་བོ་ སློན་པོ་ སྐུ་ཞབས་ Prem Singh ཏ་དམག་ ལོ་ ཁོང་གི་ གཞུང་ཁྱིམ་ན་
མངལ་བོ་ ཞིན། ཚེ་མི་ ཚུས་ གཙོ་བོ་ སློན་པོ་ ལོ་ ཆོས་འཁོར་ དབུས་ཁང་ན་ རང་ལོ་ ཟླ་བ་ན་ ཐོན་མཁན་ སྐད་གྲུ་ ཅན་ མ་རྒྱ་ཀ་ལ་ འཁོར་མཆོས་
གར་ཆེན་ དགུ་གཏོར་ ཆེན་མོ་ མཆོས་ ན་ ཕྱོན་ བཞུང་ཤད་ གྱི་ མགོན་ཤོག་ ལུལ་ ཡོད། གཙོ་བོ་ སློན་པོས་ གསུང་བོ་ ཞིན་ ང་ ཁོང་ཚུ་གི་ ཕྱིན་པོ་
མགོན་ཤོག་ ཀོ་ གུས་བཀུར་ གནང་བཞིན་ འདེམ་ ཅ་ཆེན་གོ་སྐབས་ ན་ འགན་ ལན་ཤད་ འོན་ དགའ་ཚུ་ དང་ ག་གྲུ་ ཡོད།

WOMEN FOOTBALL

རྫོང་མང་ མ་གེ་མེ་ལ་ གི་ གོ་སྐབས་ ན་ ཐོན་བཞིན་ ཡོད་པའི་ ཐེངས་ བཅུ་པོ་ རྒྱ་གར་ ཐམས་ཅད་ སློན་པོ་ གཙོ་བོ་ Gold Cup Football
Tournament ཕྱི་ལོ་ ༡༩༩༥ གི་ semi final དང་བོ་ ཅེདམ་ ད་རིང་ Church Boys Nepal དང་ International FC Punjab བར་ ཐོན་པོ་
ཞིན། ལས་རིམ་ ན་ ལོག་ས་བ་ འཕུས་མི་ སྐུ་ཞབས་ Indra Hang Subba དང་ སློན་པོ་ སྐུ་ཞབས་ Bhim Hang Subba བཞུང་ཡོད་ མཁན་ ལྷན།
Semi Final ཅེདམ་ དང་བོ་ ན་ goal ༡ - ༡ རྒྱབས་ས་ ལས་ tie breaker ན་ Church Boys FC གི་ ཅེདམ་ འདི་ རྒྱལ་ཤེ་ finale ན་ ལེབ་ ཡོད།
འདི་ ར་ བྱས་ ལྷན་ འགོ་བཙུག་ ཚེ་པོ་ གི་ རྟོ་རམ་ ན་ འབྲས་ལྗོངས་ གཞུང་ གི་ ཅེདམ་ དང་ ན་ གཞན་ ལས་གཞི་ ལས་ལག་ ཐོག་ལས་ འགོ་བཙུག་
ཀོའི་ རྫོང་ཁ་ བར་ open བུ་མོ་ football འགན་བཟུར་ གི་ semi final ༡ པོ་ ཡང་ ད་རིང་ ཅེད་བོ་ ཞིན། Semi Final ༡ པོ་ ན་ འདི་ རེ་ གསོ་རེང་
དང་ མན་གང་ རྫོང་ཁ་ བར་ ཅེད་བོ་ ཞིན། གསོ་རེང་ རྫོང་ཁ་ གི་ གོ་ལ་ གཅིག་ རྒྱབས་ཤེ་ མན་གང་ རྫོང་ཁ་ རྟེང་ རྒྱལ་ཁ་ ཐོབ་པོ་ ཞིན། རྒྱལ་མཁན་
ཚེ་པའི་ player ལྷན་ Minu Hangma Limboo ལོ་ player of the match རྒྱབ་སྐྱ་ གནང་བོ་ ཞིན།